


Aw ka den nyumanin dɔ sɔɔ
I bena i janto a ra cogo di janko a kana bana?



Sani k'a to a barajuru ye ben, i ka kan k'i janto a ra cogo min na, o fle nin ye:

1. N'i b'a kora, i kana a to ji ye se a barajuru ma.
2. I kana farafinlaw ke a barajuru ra k'a laben joona.
3. I b'a bara siri ni fanikolon saninyanin dɔ ye, janko nɔɔ kana se a ma.



Ni a barajuru benna, n'i b'a ko:

1. I b'a kunkolo kanga kosebe.
2. I kana foyi si la a nuna ra.
3. I be puturu mun a ra, k'a fari yɔɔ bee labɔ.

Lon o lon, n'i k'a ko ka ban:

1. I be k̄r̄n̄emugu d̄ɔ̄nin ta k'a nyabow b̄ɔ n'a ye.
2. I be k̄r̄n̄emugu d̄ɔ̄nin melege takalakun na k'a torobow ni a nunfaraw b̄ɔ n'a ye. I kana takalakun digi a toro k̄n̄ɔ.

I ka kan ka den k̄r̄si fen juman le ma?

1. I b'a k̄r̄si sosow ni limɔgɔw ni b̄eganw ra.
2. I b'a k̄r̄si funteni kana gban a ra, n̄en̄e fana kana a mina.

**I be i janto den ta faniw na cogo di?**

1. I be den ta faniw ko lon b̄ēe.
2. I b'o sigi ta ra k'o wuri.
3. I b'o la juru kan tere k̄r̄ɔ.

I be den balo cogo di le?

I sinji le ye i den ta domuni b̄ēe ra nyanaman ye. N'a be sin min tuma o tuma, i b'a to a y'a min ka fa.

A ka nyi, i b'i t̄eḡew n'i sinw ko ni safuna ye kas̄r̄ɔ ka sin di den ma.

I be se ka mun le k̄e janko i ye sinji nyanaman s̄r̄ɔ?

I be domuni nyuman suguya caaman k̄e.

Ni den ka karo 1, karo 2, karo 3 walama karo 4 s̄r̄ɔ, a b̄e bonyana.

I be se ka mun k̄e janko a ye m̄ɔ diya?

1. I be to ka sin di a ma.
2. Lon o lon i be lemuruji d̄ɔ̄nin di a ma. I b'o k̄e sinyā kelen tere k̄n̄ɔ.

Ni den ka karo 5 walama karo 6 s̄r̄ɔ tuma min na:


1. I be to ka ke sin di ye a ma.
2. Sisan, i be se ka baga di a ma ani lemuruji. I be se ka baranda fana nɔɔni k'a di a ma.

Ni den ka karo 7, karo 8, karo 9 walama karo 10 sɔɔ tuma min na:

1. I be to ka ke sin di ye a ma.
2. Baga di a ma.
3. I be se ka nyugu ke ni sogo ye walama jege, walama sisefan. I b'o di a ma. I be se ka yiriden dɔw di a ma fana.

Ni den ka karo 11, karo 12, karo 13 walama karo 14 sɔɔ tuma min na:

1. Sin di a ma belen.
2. I be se ka dɔ fara a ta domuni kan, k'o di a ma sinya fla tere kɔɔ.



Ni den ka karo 15, karo 16, karo 17 walama karo 18 sɔɔ tuma min na:

1. Sisan, i be se k'a dabɔ sin na. I be baga di a ma sinya fla tere kɔɔ ani nɔɔni ani yiridenw.
2. I be gbamɔgɔ tɔw ta domuni nyɔgɔn di a ma tere fe ani su fe.

Ni den temena karo 18 kan:

1. I be to ka yiridenw di a ma.
2. A be domuni ke ni gbamɔgɔ tɔw ye. I be janto a ye domuni ke kosɛbe. I b'a ta sogo ninyɔɔ walama a ta jege ninyɔɔ bla a kun.

Den be kɔɔyara ka taga. A be tagamana kura ye sisan minke, i bena a kɔɔsi mun le ra?

1. Fɛn minw bɛ sɛ ka mɔgɔ sɔgɔ walama ka mɔgɔ tigɛ, i b'a kɔrɔsi olugu ra.
2. I b'a kɔrɔsi masubafɛnw na, i n'a fɔ kɔlɔnda, ani fɛn wɛrɛ minw bɛ sɛ k'a mandimi.
3. A kɔrɔsi jigbannin na.
4. A kɔrɔsi tasuma na.



N'a nyinw bɛ bɔra tuma min na, ni o b'a dimina, i bɛ denmisɛnw ta asipirini di a ma.

N'a fari gbanna, i bɛ taga n'a ye dɔkɔtɔrɔso ra.

Janko bana kana a sɔrɔ:

1. I bɛ to ka taga n'a ye dɔkɔtɔrɔso ra. O b'a flɛ o yɔrɔ ra, ani k'a peze.
2. I bɛ taga n'a ye bolociyɔrɔ ra.

Yala bamuso kelen le ka kan ka nin baaraw bɛɛ kɛ wa?

ɔn-ɔn! Janko den ye mɔ diya, ka hɛra sɔrɔ, a mako bɛ a face fana ra ka fara a bamuso kan.

Nyinikariw

1. Jɔn le bɛ denw di mɔgɔ ma?
2. Mun le ye den ta domuni bɛɛ ra nyanaman ye?
3. Den ka kan ka kɔrɔsi mun le ra?
4. I ka kan ka den kɔrɔsi tasuma ma cogo di?
5. Ni den fari gbanna, yala o ye sumaya le ye wa?
6. Yala bamuso kelen ka kan ka nin baaraw bɛɛ kɛ wa? Jɔn le ka kan k'a demɛ?
7. Mɔgɔ min m'a janto a den na ka nya,
mun bɛ sɛ ka o den sɔrɔ?